

Caeqbaiq Goengcoj Loegvet Hoz- dung Youq Byaraiz Gingjgih Banh

骆越始祖祭祀活动在花山景区举行

7 nyied 15 hauh, Ningzmingz Yen youq Byaraiz Gingjgih banh caeqbaiq goengcoj Loegvet hozdung, bangrengz Byaraiz sinhyiz, gouz Byaraiz sinhyiz ndaej baenz. Yen Cwnghetz cajsiz Luz Veijningz、fucjsiz Liu Sucingh daengj camgya hozdung.

Caeqbaiq hozdung mboujdanh caenh-itbouh fatyengz vwnzva goekgaen, swnj-cienz minzcuz conzdungj, baijyienj gij minzcuz cingsaenz Loegvet minzcuz gaenx guh maenh'ak, youh bangdoi vehbangxdat Byaraiz sinhyiz, ciengqyengj Byaraiz minzcuz vwnzva binjbaiz, coicaenh vwnzva lijyouz hoenghvuengh hwngfat.

(Luz Dejsanh/陆铁山)



▲Gyoengqvunz caeqbaiq goengcoj Loegvet.



▲Gyoengqvunz roq aennyenz.



▲ Doeg sei 《Caezcaux Dujva Minzcuz Huzndei》.

Cingsih: Cauxlaeb Minzcuz Doxgiet Cinbu Sifan Si Vwnzyi Cunzyienj Haeuj Ginhyingz

靖西：创建民族团结进步
示范市文艺巡演进军营

7 nyied 11 hauh banhaemh, bi 2016 Cingsih cauxlaeb minzcuz doxgiet sifan si vwnzyi cunzyienj daengz ginhyingz Lungz-bangh Benhfangz Genjcazcan guh yienjok.

Vanjvei geizgan, moedlaenz Boux-cuengh 《Minzcuz Doxgiet Va Hai Gyaeu》、gagciengq 《Mwngz Ndei Guekcoj》 caeuq diuqfoux Bouxcuengh 《Fwen Vuenyungz》 daengj cezmuuz ndei yawj laebdaeb yienjok. Linghvaih, guenbing genjcazcan hix hwnjdaiz yienj siengqsing 《Gojyinx Henz-guek Genjcaz》, yienh'ok le gij heiqsik minzcuz doxgiet henzguek ginhyingz.

Ciuq cam rox, baez cunzyienj hozdung neix Cingsih Si cujciz doi hyienjheiq dangdieg, bae gak yanghcin、mbanj minzcuz doxgiet cinbu sifan caeuq bingdoih guh cauxlaeb minzcuz doxgiet cinbu sifan si vwnzyi yienjok.

(Cangh Dwzgan/张德干)

Lungzswng: Denzging Yindungvei Hagseng Doengh Hwnjdaeu

龙胜：田径运动会展学生运动风采

7 nyied 12 hauh, Lungzswng Gak Cuz Swciyen bi 2016 cungh siuj hagseng denzging yindungvei haiqmuq, 230 lai boux hagseng daj 13 aen cungh siuj hagdangz aen yienh neix daeu haenx, camgya doxdax diuqsang、diuqgyae、ndek giuzsaedsim daengj hanghmoeg, yindungvei hai 3 ngoenz, baijyienj le gij yiengh yindung cungh siuj hagseng.

(Banh Cisiengz/潘志祥)

► Dak hagseng diuqsang.



Gih Raeuz Banh Citheiq Yenjyenz Bouxcoz Doxdax

广西举办戏曲青年演员比赛

7 nyied 17 hauh banringzgvaq, gaiq daihroek Guengjsae citheiq yenjyenz bouxcoz doxdax youq Namzningz Heiqciengz hainduj, 12 aen heiqcungj caeuq gizyi loihhingz caemhdaiz "beij heiq", hawj gyoengq bouxmaezheiq hemqheuh gvaqyinx.

Baez doxdax neix camgya heiqcungj hingz sik lai cungj, gungh miz 12 aen heiqcungj caeuq gizyi loihhingz, miz Heiquengh、Heiquengjsae、heiqcaijdiu daengj heiq deihfueng Guengjsae、lij miz Heiqging、Heiqguengdoeng、heiqvah daengj heiq daengx guek dem. Baez doxdax neix gietsaiq dingh youq 7 nyied 17 daengz 20 hauh faen bet ciengz youq Namzningz Heiqciengz banh, cienzbouh doiq rog hailangh mbouj aeu cienz.

(Cuh Yaujlingz/朱晓玲)



▲ Biujyienj Heiquengh.